



UNIVERSITÄTS-
BIBLIOTHEK
PADERBORN

Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

58. Balduinus, Ardensis opidi toparcha, Ardense Canoniorum saecularium collegium, ab auo suo Arnulpho fundatum (vt suprà cap. 37. diximus) vertit in Canoniorum regularium ord. Praemonstratensis ...

urn:nbn:de:hbz:466:1-10903

SICHNE) Sichenæ seu Sichemium est Brabantia opidulum, cui vicinus est Collis asper, vulgò Acutus, Gallis *Mont aigu*, Flandris *Schenpenheuel*: qui locus, beneficio Dei ac Deiparæ, plurimis miraculis nostra ætate inclaruit. Vide Lipsium de Diua Virgine Aspricolle.

ALBIDIS) fuit Henrici Angliæ Regis coniux, sepultra Atlligemij cum patre.

IDA) N. Comiti Cliuensi nupsit.

CLARITIA) obiit innupta: vide Stemmata nostra Belgica, cap. 14.

CAPVT LVIII.

Balduinus Ardensis toparcha Ardense Canoniorum secularium collegium ab auo suo Arnulpho fundatum, vertit in Canoniorum regularium ord. Pramonstratensis Abbatiam an. 1144.

Vniuersa sanctæ matris Ecclesiæ filijs, BALDVINVS Dei permissione heres & dominus Ardeæ, ecclesiæque S. Audomari Ardensis dictus Præpositus, salutem in perpetuum.

Quod ad cultum Dei, & ad reuerentiolem sanctæ Dei Ecclesiæ honorem conuenire dignoscitur, omnimodè executioni, in quantum sufficimus, promouere necessarium duximus & saluberrimum.

Vnde cum Præpositura Ardensis ecclesiæ nobis hereditario iure successit habenda, hinc clericorum seu Canoniorum in eadem ecclesia seruientium considerantes negligentiam, hinc periculum, & æternum animæ pensantes excidium, eò quòd Præpositura ecclesiastica dispensanda & manu laicali disponenda (nisi nos vani docuere parentes) salutiferè nobis nullatenus accidere queat, quædam altiora super Ardensis ecclesiæ statu, altiore consilio, destinauimus.

Accepto itaque super eiusdem ordinatione Ecclesiæ diuino responso, sanoque consilio à Domino MILONE Morinensis ecclesiæ Episcopo, & Abbatibus, & multis ecclesiasticis personis, & laicalibus Ardensis opidi, paribus & veteranis Morinensis ecclesiæ, non minùs, quàm Ardensi Capitulo annuente, & beniuolum assensum præbente, concessimus, & in quietam possessionem dedimus venerabili Abbati Theoderico & monachis S. Mariæ de Capella, in villa antiquo nomine Brugnam dicta degentibus, & eorum successoribus,
omnia

omnia iura, omnesque dignitates, quæ in ecclesia S. Audomari Ardenſis nobis hereditario iure ſucceſſerunt, totamque eandem eccleſiam, cum vniuerſis eiufdem eccleſiæ rebus & poſſeſſionibus, & appenditijs, & pertinentijs perpetuo iure poſſidendis.

Hoc addito, quod mortuo vno iam dictæ eccleſiæ clerico ſeu Canonico, ſuccedet ei monachus, ſicque omnibus mortuis Canonicis, monachi ſuccedent in locum Canonicorum, & liberè obtinebunt eccleſiam; & quodcumque demùm Abbati placuerit, monachi, in diſpoſitione Abbatis eccleſiæ, & poſſeſſiones eccleſiæ diſpensabunt.

Vt autem hæc donatio tractu temporis minimè patiatur reciduiam, nulliusque poſſit malitia vel odio turbari, moleſtari vel infirmari, præſentem chartam ſcribi, & teſtibus roborari, & ſigilli noſtri appenſione communiri fecimus, & Ternanę, Remis que vrbi- bus, & Romæ confirmandam miſimus; huiusque rei teſtes ſunt:

Dominus Milo Morinensis Episcopus, Præmonſtratenſis ordinis Canonicus.

Philippus & Arnulfus Archidiaconi, totumque Morinensis eccleſiæ Capitulum.

Dominus Leo Abbas S. Bertini.

Dominus Gufridus Abbas Andriæ. *non S. Andree*

Dominus Henricus Abbas de Liſkia.

Balduinus, Mondulphus Decanus.

Arnolphus Cantor.

Magiſter Richardus, Euſtachius, & Robertus Canonici, totumque eiufdem Ardenſis videlicet eccleſiæ Capitulum.

Hugo, & Bernardus, de Wiſſo, de Bramis, preſbyteri.

Theodoricus Comes Flandriæ, & Philippus & Mathæus, filij eius.

Arnulfus etiam Giſnenſis Comes, & Balduinus filius eius.

Arnulfus Markiſienſis, Vicecomes, ſororius.

Drogo Botech, Walo de Ardea.

Arnulfus Gohel, qui eſt Caſtellanus Ardeæ.

Elbodo de Norhout, & Paganus frater eius.

Euſtathius & Balduinus de Balinghen.

Balduinus Walameth, alijque multi Chriſtianiſſimi populi.

Facta eſt autem hæc tranſactio in eccleſia S. Audomari Ardenſis,
& in

& in plena synodo Teruanæ solenniter recitata & approbata, Dominicæ Incarnationis anno M. C. XLIV.

1144.

NOTATIONES.

BALDVINVS) Arnulphi primi eo nomine Ardenſis Domini, ex filio Arnulpho, nepos, obiit an. 1146. in Terra ſancta, non relicta ſobole legitima; vt Lambertus Ardenſis in Hiſtoria ms. Comitum Giſnensium, & Meierus an. 1144. commemorant.

MILONE) Epifcopo. De eo multis agit Meierus in Annalibus ab an. 1130. vſque ad an. 1159. & nos in Chronico Præmonſtratenſi Colonia Agrippinæ edito.

S. MARIA de Capella) monaſterium Benedictinorum, prope Caletum, in territorio Merkenſi, & loco qui prius *Broucham* dicebatur, fundarunt *Euſtathius II.* Comes Boloniens, & vxor eius *Ida*: vt Iperius in Chron. ms. Bertinenſi narrat. Locrius in Chronico ſuo Belgico tradit, monaſterium iſtud poſtea adiunctum fuiſſe Abbatia S. Ioannis in Monte prope Teruanam, quæ nunc Ipreſi in vrbe floret.

PRÆMONSTRAT. ord. Canonicus.) Notet, quiſquis inſtitutum Præmonſtratenſe amat. Ipſe Milo, cum eſſet Epifcopus, ſcribit ſe illius ordinis Canonicum.

PHILIPPVS & Matthæus, filij eius.) Matthæus fuit Boloniæ Comes, ex parte vxoris ſuæ; vt Meierus & alij narrant.

LEO) Abbas Bertinianus Cruorem Chriſti, qui Brugis adſeruarur, ex Syria attulit, teſte Meiero an. 1150. & Molano in Natalibus Sanctorum Belgij.

HENRICVS) Abbas de Liſkis ſucceſſit Leoni in regimine monaſterij Bertinenſis. Theodericus de Capella ſignauit diploma Theoderici Flandriæ Comit, an. 1142. datum, teſte Meiero.

ARNVLVS) ſiue Arnoldus, Giſnens ſis Comes illo nomine primus, fuit filius *Wenemari* Caſtellani Gandenſis, & *Gisla* Giſnens ſis, quæ fuit ſoror Roberti, aliàs dicti Manaffis, Comit, Giſnens ſis. Cum enim Beatrix Comitiffa Giſnens ſis, ex filio neptis & heres dicti Comit, Manaffis, ſub initium principatus Theoderici Flãdriæ Comit, obiſſet ſine liberis, dictus Arnulſus in Comitatu Giſnens ſi ſucceſſit; *Wenemaro* & *Gilla* ob ſenium filio hanc ſucceſſionem cedentibus.

De

De Wenemari & Gislæ matrimonio ita Lambertus Ardensis cap. 25. Gislam (Manassis sororem) postea vxorem habuit, viris & viribus vir inclytus & genere, Gandauen sis opidi Castellanus, qui ex ea genuit primogenitum Arnoldum. Item cap. 63, Interea mortuus est Gandauen sis Castellanus Wenemarus, dum Arnoldus filius eius nimium intentus & sollicitus in acquirendo, imò iam adepto & acquisito apud Gifnas detineretur Comitatu. Hactenus Ardensis.

His accedit quòd ad cacem Chronici ms. Ardensis siue Ardenensis, videlicet inter ceteros versus, Comitum Gifnensium nomina exprimentes habeatur versus iste de dicto Arnulpho seu Arnolde Comite. Inclytus Arnoldus de Ganda qui veniebat.

Obijt autem Arnulphus an. 1168. vt idem Lambertus Ardensis tradit. 1168.

BALDVINVS filius eius,) fuit filius primogenitus Arnoldi Comitum Gifnensis, & Mathildis à S. Audomaro, atq; in Comitatu Gifnensi suo patri successit; vt ex Meiero & eodem Lamberto Ardensi constat.

NORHOVT) vulgò nunc *Norton*, in Comitatu Gifnensi, aut in illa vicinia.

CAPVT LIX.

*Conradus II. Imp. confirmat pradia & possessiones ecclesie
Cameracensis, anno 1146.*

IN nomine sanctæ & indiuiduæ Trinitatis. CONRADVS diuina iauente clementia Romanorum Rex secundus.

Prædecessorum debet priuilegia conseruari, qui sua vult à decessoribus instituta seruari; & quia Regiæ Maiestatis est, iustis petitionibus aures misericordiæ porrigere, & fidelium regni necessitatibus affectu debito subuenire, dilecti nostri NICOLAI venerabilis Cameracensis Episcopi precibus annuentes, collata ecclesie suæ à prædecessoribus nostris priuilegia, pietatis intuitu dignum duximus confirmare:

Vt quod præcedentium Imperatorum & Regum, Pippini, Caroli Magni, Lodouici, Arnulfi & Ottonis, Ecclesie Cameracensi dedit & confirmauit auctoritas, nostro roboraretur auxilio, & Regiæ nostræ auctoritatis munimine fulciretur, ac ratum & inconuulsum, omni futuro in posterum tempore, perduraret.

Auctoritatis igitur nostræ præcepto, iura & honorem Cameracensis

Q.